

四庫全書

集部

欽定四庫全書

絕妙好詞箋卷五

宋周密原輯

宛平查為仁

錢唐厲鶚同箋

陳允平

允平字君衡一字衡仲四明人著有西麓詩稿一卷繼周集一卷日湖漁唱二卷

張叔夏云詞欲雅而正志之所之一為物役則失其雅正之音近代陳西麓所作平正亦有佳者

絳都春

金少卿八二二  
卷五  
鞦韆倦倚正海棠半坼不奈春寒帶雨弄晴飛按庭院  
繡簾閒梅妝欲試芳情懶翠顰愁入眉鸞霧蟬香冷霞  
綃淚搵恨襲湘蘭悄悄池臺步晚任紅醺杏靨碧沁  
苔痕燕子未來東風無語又黃昏琴心不度香雲遠斷  
腸難託啼鴉夜深猶倚垂楊二十四闌

日湖漁唱自注云舊  
上聲韵今改平聲

瑞鶴仙

燕歸簾半捲正漏約瓊籤笙調玉琯蛾眉畫來淺甚春

衫懶試夜燈慵剪香溫夢暖訴芳心芭蕉未展眇雙波  
望極江空二十四橋凭徧 蔥蒨銀屏綵鳳霧帳金蟬  
舊家坊院煙花弄晚芳草恨斷魂遠對東風無語綠陰  
深處時見飛紅數片算多情尚有黃鸝向人睨睨

思佳客

錦幄沉沉寶篆殘惜春無語倚攔杆庭前芳草空惆悵  
簾外飛花自往還 金屋靜玉簫閒一樽芳酒駐紅顏  
東風落盡酴醾雪滿地清香夜不寒

金史四庫全書  
卷五  
戀繡衾

多情無語斂黛眉  
寄相思偏仗柳枝  
待折向樽前唱奈  
東風吹作絮飛  
歸來醉抱琵琶睡  
正酒醒香盡漏移  
無賴是梨花夢被月明偏照翠帷

唐多令

休去採芙蓉  
秋江煙水空  
帶斜陽一片征鴻  
欲頓聞愁  
無頓處都著在  
兩眉峯  
心事寄題紅  
畫橋流水東斷  
腸人無奈  
秋濃回首層樓  
歸去嬾  
早新月挂梧桐

滿江紅

和清  
真韻

目斷煙江相思字難憑鴈足從別後翠眉慵  
嫵素腰如束困倚牙牀春繡懶釧金斜隱香腮肉  
晝漸長誰與對文枰翻新局枝上鵲心期卜  
芳草暗西廂曲謝多情海燕伴華華屋明月空  
圓雙蝶夢綵雲難駐孤鸞宿任畫簾不捲玉鈎閒  
揚花撲

秋蕊香

晚酌宜城酒煖玉軟嫩紅潮面醉中窈窕度嬌眼不識

愁深愁淺 繡窗一縷香絨線  
繫雙燕海棠滿地夕陽  
遠明月笙歌別院

一落索

欲寄相思愁苦倩流紅去  
淚花寫不斷離懷都化作無  
情雨 渺渺莫雲江樹淡煙橫  
素六橋飛絮夕陽西盡  
總是春歸處

垂楊

懷古

銀屏夢覺漸淺黃嫩綠  
一聲鶯小細雨輕塵建章初閉

東風悄依然千樹長安道翠雲鎖玉窗深窈斷腸人空  
倚斜陽帶舊愁多少還是清明過了任煙縷露條碧  
纖青嫋恨隔天涯幾回惆悵蘇堤曉飛花滿地誰為掃  
甚薄倖隨波縹緲縱啼鴉不喚春歸人自老

詞旨警句燕子未來東風無語又黃昏琴心不度  
春雲遠斷腸難託啼鴉夜深猶倚垂楊二十四闌  
斜鄰春寄相思偏仗柳枝待折向樽前唱怕東風  
吹作絮飛應明矣

日湖漁唱齊天樂澤國樓偶賦云湖光偶在關  
干外凭虛遠迷三楚舊柳猶青平蕪自碧幾度  
朝昏煙雨天涯倦旅愛小却遊鞭共揮談塵頓  
覺塵清宦情高下等風絮芝山蒼翠縹緲黯然



仙夢杳吟思飛去故國樓臺斜陽巷陌回首白  
雲何處無心訪古對雙塔樓鴉半汀歸鷺立盡  
荷香月明人笑語綺羅香秋雨云鴈宇蒼寒蛩  
疏翠冷又是淒涼時候小揭珠簾衣潤唾花羅  
皺饒曉露獨立衰荷遡歸燕尚栖殘柳想黃花  
羞澀東籬斷無新句到重九孤檠清夢易覺腸  
斷唐宮舊事聲迷宮漏滴入愁心秋似玉樓人  
瘦煙樞外催下梧桐帶西風亂捎鴛鴦記畫簷  
燈影沉沉共裁春夜韭  
張炎山中白雲解連環拜陳西麓墓云句章城  
郭問千年往事幾回歸鶴嘆貞元朝士無多又  
日冷湖陰柳邊門鑰向北來時無處認江南花  
落縱荷衣未改病損茂陵終是蕭索山中故人  
去却但碑寒峴首舊景如昨悵二喬空老春深  
正歌斷簾空草昏銅雀楚魄難招被萬疊閒雲  
迷著料應是聽風聽雨朗吟夜壑原注山中樓

扁鵲

賈雲

### 張樞

樞字斗南號寄閒西秦人居臨安循王之後善詞  
名世子奕能傳其家學見鄭牧伯牙琴

### 瑞鶴仙

捲簾人睡起放燕子歸來商量春事風光又能幾減芳  
菲都在賣花聲裏吟邊眼底披嫩綠移紅換紫甚等閒  
半委東風半委小溪流水還是苔痕滿雨竹影留雲  
待晴猶未蘭舟靜艤西湖上多少歌吹粉蝶兒守定落

花不去溼重尋香兩翅怎知人一點新愁寸心萬里

風入松

春寒懶下碧雲樓花事等閒休紅綿溼透鞦韆索記伴  
仙曾倚嬌柔重疊黃金約臂玲瓏翠玉搔頭熏爐誰  
熨煖衣篝消遣酒醒愁舊巢未著新來燕任珠簾不上  
瓊鈎何處東風院宇數聲揭調甘州

南歌子

柳戶朝雲溼花窗午篆清東風未放十分晴留戀海棠

顏色過清明 壘潤棲新燕籠深鎖舊鶯琵琶可是不可  
堪聽無奈愁人把做斷腸聲

謁金門

春夢怯人靜玉闈平帖睡起眉心端正貼綽枝雙杏葉  
重整金泥蹀躞紅皺石榴裙褶款步花陰尋蛺蝶玉  
纖和粉捻

慶宮春

斜日明霞殘虹分雨軟風淺掠蘋波聲冷瑤笙情踈寶

扇酒醒無奈秋何彩雲輕散漫敲缺銅壺浩歌眉痕留  
怨依約遠峯學飲雙蛾銀牀露洗涼柯屏掩香銷忍  
掃裯羅楚驛梅邊吳江楓畔庾郎從此愁多草蟲喧砌  
料催織迴文鳳梭相思遙夜簾捲翠樓月冷星河

壺中天

鴈橫迴碧漸煙收極浦漁唱催晚臨水樓臺乘醉倚雲  
引吟情閒遠露脚飛涼山眉鎖暝玉宇冰奩滿平波不  
動桂華底印清淺應是瓊斧修成鉛霜擣就舞霓裳

曲遍窈窕西窗誰弄影紅冷芙蓉深苑賦雪詞工留雲  
歌斷偏惹文簫怨人歸鶴唳翠簾十二空捲

周密 蕙洲漁笛譜 瑞鶴仙 湖上繪幅堂云翠屏圍  
畫錦正柳纖煙銷花明春鏡層欄幾回凭看六橋  
煙曉兩堤鷗暝晴嵐隱隱映金碧樓臺遠近護曾  
諄萬幅丹青畫幅畫應難畫那更波涵月影露衰  
蓮妝水描梅影調朱弄粉憑誰寫四時景問玉奩  
西子山眉波盼多少濃施淡暈算何如付與吟翁  
緩吟細品按弁陽詞繪幅堂在湖上考武林舊事  
諸書不載始末未詳

詞旨屬對金谷移春玉壺貯暖擁石池臺約花闌  
檻

警句甚等閒半委東風半委小溪流水瑞鶴仙粉  
蝶兒守定落花不去溼重尋香兩翅同上雲引吟

情閒遠

漁中天

詞眼移紅換紫

陳允平日湖漁唱木蘭花慢和季篔房題張寄  
閒家圓韻云愛吟休問瘦為詩句幾憑闌有可  
畫亭臺宜春帳箔如寄身閒胸中四時勝景小  
蓬萊幻出五雲間一掬蘋香暗沿半梢松影虛  
壇相看倦羽久知還回首鷺盟寒記步屐尋雲  
呼燈聽雨越嶺吳巒幽情未應共懶把周郎舊  
曲譜新翻簾外垂楊  
白晝為君時按弓彎

# 李演

演字廣翁號秋  
堂有盟鷗集

# 摸魚兒

太湖

又西風四橋踈柳驚蟬相對秋語瓊荷萬笠花雲重嫋  
嫋紅衣如舞鴻北去渺岸芷汀芳幾點斜陽字吳亭舊  
樹又繫我扁舟漁鄉釣里秋色淡歸鷺長干路蔓草  
踈煙斷墅商歌如寫羈旅丹溪翠岫登臨事苔屐尚黏  
蒼土鷗且住怕月冷吟魂婉冉空江暮明燈暗浦更短  
笛衝風長雲弄晚天際畫秋句

聲聲慢

問梅  
孤山

輕鞦繡谷柔屐煙堤六年遺賞新續小舫重來惟有寒



沙鷗熟徘徊舊情易冷但溶溶翠波如縠愁望遠甚雲  
銷月老莫山自綠 嘖嘆人生悲樂且聽我樽前漁歌  
樵曲舊閣塵封長得樹陰如屋淒涼五橋歸路載寒秀  
一枝踈玉翠袖薄晚無言空倚修竹

遂昌雜錄云錢唐湖上舊多行樂處西太乙宮四  
聖觀皆在孤山西太乙成後西出斷橋夾蘇公堤  
皆植花柳時時有小亭館可想宮有景福之門迎  
真之館黃庭之殿結構之巧丹雘之麗真擅蓬萊  
道山之勝余童時尚記孤山之陰一小亭在高阜  
上曰歲寒繚亭皆古梅下臨水曰挹翠閣上下皆  
拱斗砌成  
極為宏麗

醉桃源

題小扇

雙鴛初放步雲輕  
香簾蒸未晴  
杏鎔暗淚結  
紅水留春  
蝴蝶情  
寒薄薄  
日陰陰  
錦鳩花底鳴  
春懷一似草無  
憑  
東風吹又生

南鄉子

夜宴燕  
子樓

芳水戲桃英  
小滴燕支浸  
綠雲待覓瓊觚藏  
綵信流春  
不似題紅易得沉  
天上許飛瓊  
吹下蓉笙染玉塵  
可惜素鸞留不得  
更深誤剪燈  
花斷了心

八六子

次韻  
房韻

乍鷗邊一番瘦綠流紅又怨蘋花看晚吹約晴歸路夕  
陽分落漁家輕雲半遮 縈情芳草無涯還報舞香一  
曲玉飄幾許春華正細柳青煙舊時芳陌小桃朱戶去  
年人面誰知此日重來繫馬東風淡墨款鴉黯窗紗人  
歸綠陰自斜

祝英臺近

次韻  
房韻

采芳蘋縈去艣歸步翠微雨柳色如波縈恨滿煙浦東

君若是多情未應花老心已在綠成陰處 困無語柔  
被寨損梨雲閒修牡丹譜妒粉爭香雙燕為誰舞年年  
紅紫如塵五橋流水知送了幾番愁去

莫 崙

崙字子山號兩山江都人寓家丹徒度宗咸淳四年陳文龍榜進士見正德丹徒縣志

水龍吟

鏡寒香歇江成路今度見春全嬾斷雲過雨花前歌扇  
梅邊酒殘離思相欺萬絲縈繞一襟銷黯但年光暗換

人生易感西歸水南飛鴈也擬與愁排遣奈江山遮  
攔不斷嬌訛夢語濕熒啼袖迷心醉眼繡轂華裯錦屏  
羅薦何時拘管但良宵空有亭亭霜月作相思伴

玉樓春

綠楊芳徑鶯聲小簾幙烘香桃杏曉餘寒猶峭雨踈踈  
好夢自驚人悄悄憑君莫問情多少門外江流羅帶  
繞直饒明月便相逢已是一春閒過了

生查子

三兩信涼風七八分圓月愁緒到今年又與前年別  
衾單容易寒燭暗相將滅欲識此時情聽取鳴蛩說

卜算子

紅底過絲明綠外飛綿小不道東風上海棠白地春歸  
了月笛曲欄留露寫芳池繞爭得閒情似舊時編索  
簷花笑

詞旨警句但良宵空有亭  
亭霜月作相思伴水龍吟

丁宥

宥字恭仲

號宏卷

水龍吟

鴈風吹裂雲痕小樓一線斜陽影殘蟬抱柳寒蛩入戶  
淒音忍聽愁不禁秋夢還驚客青燈孤枕未更深早是  
梧桐泣露那更度蘭宵永空歎銀屏金井醉鄉醒溫  
柔鄉冷征塵倦撲閒花謾舞何心管領蔥指冰絃蕙懷  
春錦楚梅風韻悵芙蓉城杳藍雲依黯鎖巫峯暝

吳文英夢窗甲槩高山流水丁基仲側室善絲桐賦詠曉達音律備歌舞之妙云素絃一一起秋風

寫柔情都在春窻  
外斷腸聲霜暗落  
鷺鴻低翠處剪綠  
裁紅仙郎伴新製  
還唐舊曲映月簾  
櫳似名花並蒂日  
日醉春濃吳中空  
傳有西子應不  
解換徵移宮蘭蕙  
滿襟懷唾碧總噴  
花容後堂深想費  
春工客愁重時聽  
蕉寒雨碎淚濕瓊  
絃流也稱金屋貯  
嬌慵按瑟水龍吟  
葱指水絃蔥懷春  
錦又云悵芙蓉城  
杳當是悼其側室  
而作觀夢窗詞可  
證也

詞旨屬對疏綺籠  
寒淺雲棲月蟬碧  
勾花雁紅攢月

警句雁風吹裂雲  
痕小樓一線斜陽  
影水龍吟清陰一  
架顆顆蒲萄醉花  
碧六么令

## 儲詠

詠字文卿號華谷雲  
間人著華谷祛疑說



齊天樂

東風一夜吹寒食紅片枝頭猶戀宿酒初醒新吟未穩  
凭久欄杆留暖將春買斷恨苔徑榆階翠錢難貫陌上  
鞦韆相逢難認舊時伴輕衫粉痕褪了絲綵餘夢在  
良宵偏短柳線穿煙鶯梭織霧一片舊愁新怨慵拈象  
管待寄與深情怎憑雙燕不似楊花解隨人去遠

趙汝迂

汝迂字叔午一作叔魯號寒泉樂清人登嘉定進士  
餘判雷州謫官而卒宋史宗室世系表商王元

份八世孫善

折第三子

### 清平樂

初鶯細雨楊柳低愁縷  
煙浦花橋如夢裏  
猶記倚樓別語  
小屏依舊圍香恨  
拋薄醉殘妝判却寸心  
雙淚為他花月淒涼

### 樓扶

扶字叔茂號梅麓景定建康志云樓扶端平中沿江制置司幹官泰州志云淳祐間知泰州軍事延祐四明志云靈應廟鄞人樓扶為記

水龍吟

次清真  
梨花韻

素娥洗盡繁妝夜深步月鞦韆地輕腮暈玉柔肌籠粉  
緇塵斂避霽雪留香曉雲同夢昭陽宮閉悵仙圍路杳  
曲欄人寂疎雨溼盈盈淚未放游蜂葉底怕春歸不  
禁狂吹象牀困倚冰魂微醒鶯聲喚起愁對黃昏恨催  
寒食滿襟離思想千紅過盡一枝獨冷把梅花比

菩薩蠻

絲絲揚柳鶯聲近晚風吹過鞦韆影寒色一簾輕燈殘

夢不成 耳邊消息在笑指花梢待 又是不歸來滿庭

花自開

延祐四明志招寶山宋梅麓樓公扶登山沁園  
春云開闢以來便有此山獨當怒濤正秋空萬  
里寒催鴈信塵寰一簇輕等鴻毛小可詩情尋  
常酒量到此應須分外豪難為水笑平生未有  
此番登高飄飄自踏金鼈歎終日風波無限勞  
看牆烏縹緲帆歸速滿屋魚雜沓網帶餘潮待  
約詩人相將月夜取次携杯持酒螯乘槎意問  
誰人領解空立亭舉詞鏤崖石今不存

史介翁

介翁字吉

父號梅屋

菩薩蠻

柳絲輕颺黃金縷，織成一片紗窗雨。鬪合做春愁，困慵  
熏玉篝。暮寒羅袖薄，社雨催花落。先自為詩忙，薔薇  
一陣香。

周端臣

端臣字彥良號葵窗武林舊事云御前應制

木蘭花慢

送人之官九華

靄芳陰未解，乍天氣過元宵。訝客袖猶寒，吟窗易曉。春

色無聊梅梢尚留顧藉  
縈東風未肯雪輕飄  
知道詩翁欲去  
遞香要送蘭橈  
清標會上叢霄  
千里阻九華遙  
料今朝別後  
他時有夢應夢今朝  
河橋柳愁未醒  
贈行人又恐越魂銷  
留取歸來繫馬翠  
長千縷柔條

方輿勝覽云九華山在池州青陽縣界舊名九子山李白以峯如蓮花改名九華

### 玉樓春

華堂簾幙飄香霧  
一搦楚腰輕束素  
翩躚舞態燕還驚  
綽約妝容花盡妒  
樽前謾詠高唐賦  
巫峽雲深留不

住重來花畔倚欄杆  
愁滿欄杆無倚處

楊子咸

子咸號

學舟

木蘭花慢

紫凋紅落後忽十丈玉虬橫望衆綠幃中藍田璞碎鮫  
室珠傾柔條繫風無力更不禁連日峭寒清空與蝶圓  
香夢枉教鶯訴春情深深苔徑悄無人欄檻濕香塵  
歎寶髻鬢鬆粉鉛狼籍誰管飄零不愁素雲易散恨此

花開後更無春安得胡牀月夜玉醅滿蘸瑤英

楊 恢

恢字充之號

西村眉山山人

二郎神

用徐幹  
臣韻

瑣窗睡起閒竚立海棠花影記翠檝銀塘紅牙金縷杯  
泛梨花冷燕子銜來相思字道玉瘦不禁春病應蝶粉  
半銷鴉雲斜墜暗塵侵鏡還省香痕碧唾春衫都凝  
悄一似茶蘼玉肌翠帔消得東風喚醒青杏單衣楊花



小扇閒却晚春風景最苦是蝴蝶盈盈弄晚一簾風靜

揮塵餘話云徐伸字幹臣三衢人政和初以知音律為太常典樂出知常州嘗自製轉調二郎神云  
悶來彈鵲又攪碎一簾花影設試著春衫還思纖手薰徹金虬爐冷動是愁端如何向但怪得新來  
多病嗟舊日沈腰如今潘鬢怎堪臨鏡重省別時  
淚滴羅襟猶凝凝想為我慙慙日高慵起長托春醒  
未醒雁足不來馬蹄難駐門掩一庭芳景空佇立  
晝日闌干倚遍晝長入靜既成會開封尹李孝壽  
來救吾郡李以嚴治京兆號李閻羅道出郡下幹  
臣大合樂燕勞之喻羣唱令謳此詞必待其問乃  
止媧如戒歌至三四李果詢之幹臣感頰云某頃  
有一侍婢色藝冠絕前歲以亡室不容遂去今聞  
在蘇州一兵官處屢違信欲復來而今之主公靳  
之感慨賦此詞中所叙多其書中語適有天幸公

擁麾於彼不審能為我致之否李云此甚不難可  
無慮也既次無錫賓贊者請受謁次第李云即官  
當至楓橋橋距城十里而遠翌日熾舟其所官吏  
上下望風股栗李一閱刺字忽大怒云都監在法  
不許出城乃亦至此使郡中萬一有火盜之虞豈  
不殆哉斥都監下階荷校送獄又數日取其供牘  
判奏字其家震懼求援宛轉哀鳴致懇李笑云且  
還徐典樂之妾了來理會兵官者解其指即日承  
命然後  
舍之

### 倦尋芳

錫簫吹暖蠟燭分煙春思無限風到棟花二十四番吹  
遍煙溼濃堆楊柳色晝長閒墜梨花片悄簾櫳聽幽禽

對語分明如剪 記舊日西湖行樂載酒尋春十里塵  
軟背後腰肢彷彿畫圖曾見宿粉殘香隨夢冷落花流  
水和天遠但如今病厭厭海棠池館

滿江紅

小院無人正梅粉一階狼籍踈雨過溶溶天氣早如寒  
食啼鳥驚回芳草夢峭風吹淺桃花色漫玉爐沉水爨  
春衫花痕碧 綠縠水紅香陌紫桂權黃金勒悵前歡  
如夢後遊何日酒醒香消人自瘦天空海濶春無極又

一林新月照黃昏梨花白

祝英臺近

宿醒蘇春夢醒沉水冷金鴨落盡桃花無人掃紅雪漸  
催煮酒園林單衣庭院春又到斷腸時節恨離別長  
憶人立荼蘼珠簾捲香月幾度黃昏瓊枝為誰折都將  
千里芳心十年幽夢分付與一聲啼鴉

又  
中秋

月如水天似水冷浸畫欄濕桂樹風前釀香半狼籍此

翁對此良宵別無可恨恨只恨古人頭白 洞庭窄誰  
道臨水樓臺清光最先得萬里乾坤元無片雲隔不妨  
彩筆雲箋翠尊冰醞自管領一庭秋色

八聲甘州

摘青梅薦酒甚殘寒猶怯苧蘿衣正柳瘦花瘦綠雲冉  
冉紅雪霏霏隔屋茶筍依約誰品春詞回首繁華夢流  
水斜暉 寄隱孤山山下但一瓢飲水深掩苔扉羨青  
山有思白鶴忘機悵年華不禁搔首又天涯彈淚送春

歸銷魂遠千山啼鳩十里茶蘼

詞旨警句燕子銜來相思字道玉瘦不禁春病二  
即神宿粉殘香隨夢冷落花流水和天遠倦尋芳

都將千里芳心十年幽夢分付與一聲啼鳩祝英  
坐近不妨彩筆雲箋翠尊冰醞自管領一庭秋色  
祝英 查近

浣溪集眉山山揚旣游浣溪詞云碧崖倒影浸一  
片寒江如練正岸梅花村村修竹喚醒春風  
筆硯泝水舟輕輕如葉只消得溪風一箭看水  
部雄文太師健筆月寒波卷游倦片雲孤鶴江  
湖都遍旣金屋藏妖繡屏包禍欲與三郎痛辨  
回首前朝斷魂殘照幾度山花崖蘚無限都付  
衆尊漢漠水天遠按此詞甚佳惜不著詞名  
紫望涼州鼓吹祝英臺近丁巳暮春訪揚西村  
湖上懷舊云小船兒雙去檣紅濕海棠兩燕子

歸時芳草暗南浦自從翠袖香銷明璫聲斷怕  
回首舊尋芳處向誰語可憐金屋無人冷落鳳  
蕭譜翠入菱花蛾眉為誰嫵斷腸明月天涯春  
風海角恨不做揚花飛去

何光大

光大字謙  
履號半湖

謁金門

天似水池上藕花風起隔岸垂楊青到地亂螢飛又止  
露溼玉闌閒倚人靜自生涼意泛碧沉朱供晚醉月  
斜纔去睡

# 趙潛

潛字元晉號水壺潭州人忠靖公蔡子咸淳中沿江制置使知建康府宋季三朝政要云廣王登極於福州改元景炎以趙潛為江西制置使進兵邵武山房隨筆云趙靜齋淮被執死於瓜洲其兄水壺潛自京口遷金陵北兵至棄家而避南徙不返死蘆海旁山上

## 臨江仙

堤曲朱墻近遠山明碧瓦高低好風二十四花期驕驄  
穿柳去文艤挾波飛 簫鼓晴雷殷殷笑歌香霧霏霏  
閒情不受酒禁持斷腸無立處斜日欲歸時



吳山青

金璞明玉璞明小小杯拌翠袖擎滿將春色盛 仙佩  
鳴玉佩鳴雪月中過洞庭此時人獨清

趙淇

淇字元建葵次子宋末直龍圖閣廣南東路發運  
使加右文殿修撰尚書刑部侍郎元至元間行省  
承制署廣東宣撫使入見世祖拜湖南道宣慰使  
辛贈湖廣行省參知政事追封天水郡公諡文惠  
有文集二十卷圖繪寶鑑云趙淇號平遠又號太  
初道人故合而曰平初又號靜華翁

謁金門

吟望直春在欄杆咫尺山挿玉壺花倒立雪明天混碧  
曉露絲絲瓊滴虛揭一簾雲濕猶有殘梅黃半壁香  
隨流水急

詞旨警句春在欄  
干咫尺滿金門

毛 珣

珣字元白號吾竹柯山  
人有吾竹小稿一卷

浣溪紗

綠玉枝頭一粟黃碧紗帳裏夢魂香曉風和月步新涼

吟倚畫欄懷李賀笑持玉斧恨吳剛素娥不嫁為誰

妝

潘希白

希白字懷古號漁莊永嘉人寶祐中登第幹辦臨安府節制司公事德祐中起史館檢校不赴

大有

九日

戲馬臺前採花籬下問歲華還是重九恰歸來南山翠  
色依舊簾櫳昨夜聽風雨都不似登臨時候一片宋玉  
情懷十分衛郎清瘦紅萸佩空對酒碁杆動微寒暗

欺羅袖秋已無多早是敗荷哀柳強整帽簷敲側曾經  
向天涯搔首幾回憶故園尊鱸霜前鴈後

李 玨

玨字元暉號霍田吉水人年十二通書經召試館  
職除秘書正字批差充幹辦御前翰林司主管御  
覽書籍除閤門宣贊舍人初領應奉賜紫袍紅靴  
小金帶一朝士寄之詩云上直朝朝紫禁深歸來  
無事只清吟不須更借頭銜看便是當年李翰林  
有雜著四集錢唐百詠行於世年八十九而終見  
成化吉  
安府志

擊梧桐

別西湖  
社友

楓葉濃於染秋正老江上征衫寒淺又是秦鴻過霽煙  
外寫出離愁幾點年來歲去朝生暮落人似吳潮展轉  
怕聽陽關曲奈短笛喚起天涯情遠 雙屐行春扁舟  
嘯晚憶著鷗湖鶯苑鶴帳梅花屋霜月後記把山扉牢  
掩惆悵明朝何處故人相望但碧雲半斂定蘇堤重來  
時候芳草如翦

都城紀勝云文士有西湖詩社非其他社集之比  
乃行都士夫及寓居詩人舊多出名士

木蘭花慢

寄豫章  
故人

故人知健否又過了一番秋記十載心期蒼苔茅屋杜  
若芳洲天遙夢飛不到但滔滔歲月水東流南浦春波  
舊別西山暮雨新愁 吳鈞光透黑貂裘客思晚悠悠  
更何處相逢殘更聽鴈落日呼鷗滄江白雲無數約他  
年携手上扁舟鴉陣不知人意黃昏飛向城頭

利登

登字履道號碧澗金

川人著有散稿一卷

風入松

斷蕪幽樹際煙平山外更山青天南海北知何極年年  
是匹馬孤征看盡好花結子暗驚新笋成林 歲華情  
事苦相尋弱雪鬢毛侵十千斗酒悠悠醉斜河界白月  
雲心孤鶴盡邊天濶清猿啼處山深

曹 遼

遼字擇可號松山武  
林舊事云御前應制

玲瓏四犯

茶蘼  
應制

一架幽芳自過了梅花猶占清絕露葉檀心香滿萬條

晴雪飢素靜洗鉛華似弄玉乍離瑤闕看翠蚪白鳳飛  
舞不管暮鴉啼鳩酒中風格天然別記唐宮賜尊芳  
冽玉甃喚得餘春住猶醉迷飛蝶天氣乍雨乍晴長是  
伴牡丹時節夜散瓊樓宴金鋪深掩一庭春月

劉 瀾

瀾字養源號江村瀛奎律髓注云劉瀾天台人嘗  
為道士還俗學唐詩有所悟干謁無成丙子年卒

慶宮春

春剪綠波日明金渚鏡光盡浸寒碧喜溢雙蛾迎風一



笑兩情依舊脉脉那時同醉錦袍濕烏紗歌側英游何  
在滿目青山飛下孤白片帆誰上天門我亦明朝是  
天門客平生高興青蓮一葉從此飄然八極磯頭綠樹  
見白馬書生破敵百年前事欲問東風酒醒長笛

瑞鶴仙

海棠

向陽看未足更露立欄杆日高人獨江空佩鳴玉問煙  
鬟霞臉為誰膏沐情閒景淑嫁東風無媒自卜鳳臺高  
貪伴吹笙驚下九天霜鵲紅蕊花開不到杜老溪莊

已公茅屋山城水國歡易斷夢難續記年時馬上人酣  
花醉樂奏開元舊曲夜歸來駕錦漫天絳紗萬燭

齊天樂

吳興郡宴  
遇舊人

玉釵分向金華後回頭路迷仙苑落翠驚風流紅逐水  
誰信人間重見花深半面尚歌得新詞柳家三變綠葉  
陰陰可憐不似那時看劉郎今度更老雅懷都不到  
書帶題扇花信風高苕溪月冷明日雲帆天遠塵緣較  
短怪一夢輕回酒闌歌散別鶴驚心感時花淚賤

張龍榮

龍榮字成

子號梅深

摸魚兒

又吳塵暗斑吟袖西湖深處能浣晴雲片片平波影飛  
趁棹歌聲遠回首喚彷彿記春風共載斜陽岸輕携分  
短悵柳密藏橋煙濃斷徑隔水語音換思量遍前度  
高陽酒伴離踪悲事何限雙峯塔露書空穎情共暮鴉  
盤轉歸思懶悄不似留眠水國蓮花畔燈簾暈滿正蠹

快重緡沉煤半冷風雨閉宵館



絕妙好詞箋卷五

欽定四庫全書

集部

絕妙好詞箋卷六

七

詳校官中書臣張姚成

侍讀臣孫球覆勘

總校官檢討臣何思鈞

校對官中書臣高 中

謄錄監生臣黃春輝

欽定四庫全書

絕妙好詞箋卷六

宋周密原輯

宛平查為仁

錢唐厲鶚同箋

李彭老

彭老字高隱號箕所景定建康志李彭老淳祐中  
沿江荆置司屬官

木蘭花慢

正千門繫柳賜宮燭散青煙看秀靨芳唇塗妝暈色試

畫春妍田田滿階榆莢弄輕陰淺冷似秋天隨處飴香  
杏暖燕飛斜鞦韆 朱絃幾換華年扶淺醉落紅前  
記舊時游冶燈樓倚扇水院移船吟邊夢雲飛遠有題  
紅都在薛濤牋聽絕殘簫倦笛夜堂明月窺簾

壺中天

登寄閣  
吟臺

青飈蕩碧喜雲飛寥廓清透涼宇倦鵲驚翻臺榭迴葉  
葉秋聲歸樹珠斗斜河水輪輟霧萬里青冥路薌深屏  
翠桂邊滿袖風露 煙外冷逼玻璃漁郎歌杳擊空明



歸去怨鶴知更蓮漏悄竹裏篩金簾戶短髮吹寒閒情  
吟遠弄影花前舞明年今夜玉樽知醉何處

高陽臺

落梅

飄粉杯寬盛香袖小青青半掩苔痕竹裏遮寒誰念減  
盡芳雲么鳳叫晚吹晴雪料水空煙冷西泠感凋零殘  
縷遺鈿迤邐成塵東園曾趁花前約記按箏籌酒戲  
挽飛瓊環珮無聲草暗臺榭春深欲倩玉笛傳清譜怕  
斷霞難返吟魂轉銷凝點點隨波望極江亭

法曲獻仙音

官圃賦梅  
繼草窗韻

雲木槎枿水萍搖落瘦影半臨清淺翠羽迷空粉容羞  
曉年華柱絃頻換甚何遜風流在相逢共寒晚 總依  
黯念當時看花遊冶曾錦纜移舟寶箏隨輦池苑鎖荒  
涼嗟事逐鴻飛天遠香徑無人甚蒼蘚黃塵自滿聽鴉  
啼春寂暗雨蕭蕭吹怨

一萼紅

寄弁  
陽翁

過薔薇正風喧雲澹春去未多時古岸停橈單衣試酒

滿眼芳草斜暉故人老經年賦別鐙暈裡相對夜何其  
泛剡清愁買花芳事一卷新詩 流水孤帆漸遠想家  
山猿鶴喜見重歸北阜尋幽青津問釣多情楊柳依依  
最難忘吟邊舊雨數菖蒲老是來期幾夕相思夢蝶飛  
繞蘋溪

高陽臺

寄題蔣  
壁山房

石笋埋雲風篁嘯晚翠微高處幽居縹緲雲籤人間一  
點塵無綠深門戶啼鷓外看堆牀寶晉圖書儘蕭閒浴

研臨池滴露研朱 舊時曾寫桃花扇弄霏香秀筆春  
滿西湖松菊依然柴桑自愛吾廬冰絃玉麈風流在更  
秋蘭香染衣裾照窗明小字珠璣重見歐虞

佩楚軒客談云金應桂字一之雅標度能歐書受  
知賈似道居西湖南山中築菴壁山房左弦右壺  
中設圖史客至撫摩諦玩清談纚纚每肩輿入城  
府幅巾整衣望之若神仙然

探芳訊

湖上春遊  
繼草窗韻

對芳晝甚怕冷添衣傷春踈酒正緋桃如火相看自依  
舊閒簾深掩梨花雨誰問東陽瘦幾多時漲綠鶯枝墮

紅鴛鴦 隄上寶鞍驟記草色春晴波光搖岫蘇小門  
前題字尚存否繁華短夢隨流水空有詩千首更休言  
張緒風流似柳

祝英臺近

杏花初梅花過時節又春半簾影飛梭輕陰小庭院舊  
時月底鞦韆吟香醉玉曾細聽歌珠一串 忍重見描  
金小字題情生綃合歡扇老了劉郎天遠玉簫伴幾番  
鶯外斜陽欄杆倚遍恨楊花遮愁不斷

踏沙行

題草窗  
十擬後

紫曲迷香綠窗夢月芳心如對春風說蠻牋象管寫新  
聲幾番曾試瓊壺缺一作  
缺 庾信書愁江淹賦別桃花  
紅雨梨花雪周郎先自足風流何須更擬秦笙咽

浪淘沙

潑火雨初晴草色青青傍簷垂柳賣春餠畫舫載花花  
解語綰燕吟鶯 簫鼓入西泠一片輕陰鈿車羅蓋競  
歸城別有水窗人喚酒弦月初生

四字令

蘭湯晚涼鸞釵半妝紅巾膩雪吹香擘蓮房賭雙羅  
紈素璫冰壺露妝月移花影西廂數流螢過墻

生查子

羅襦隱繡茸玉合銷紅豆深院落梅鈿寒峭收燈後  
心事卜金錢月上鸞黃柳拜了夜香休翠被聽春漏

詞旨屬對紫曲迷香綠窗夢月暗雨敲花柔風過  
柳

警句明年今夜玉尊知醉何處壺中天閒簾深掩  
梨花雨誰問東陽瘦探苦說幾番鶯外斜陽闌干

倚遍恨楊柳遮愁不斷祝英臺近

樂府補題李彭老天香賦龍涎香云搥麝成塵  
薰薇注露風酣百和花氣品重雲頭葉翻蕉樣  
共說內家新製波浮海沫誰喚覺鮫人春睡清  
潤俱饒片腦芬盈半是沉水相逢酒邊雨外火  
初溫翠爐香細不似寶珠金縷領巾紅墜荀令  
如今憔悴銷未盡當時愛香意爐煖燈寒秋聲  
素被摸魚兒賦萼云過垂虹四橋飛雨沙痕初  
漲春水腥波十里吳歛遠綠蔓半繁船尾連復  
碎愛滑卷青綃香裊冰絲細山人雋味笑杜老  
無情香美碧澗空祇賦芹美歸期早誰似季鷹  
高致鱸魚相伴菰米紅塵如海邱園夢一葉又  
秋風起湘湖外看采蘋芳條際曉隨魚市舊游  
漫記但望裏江南秦鬟賀鏡渺渺隔煙水  
吳文英夢窗乙葉絳都春為李質房量珠賀云  
情粘舞棧悵駐馬灞橋天寒人遠旋剪露痕移



得春嬌栽瓊苑流鶯浪語煙中怨恨三月飛花  
零亂艷陽歸後紅藏翠掩小坊幽院誰見新腔  
按微背燈暗共倚篔簹屏蔥蒨繡被夢輕金屋裝  
深沉香換梅花重洗春風面正溪上春橫月轉  
並禽飛上金  
沙瑞香霧暖

### 李萊老

萊老字周隱號秋崖新定續志嚴州知州李萊老  
咸淳六年任

惜紅衣

寄弁  
陽翁

笛送西泠帆過杜曲晝陰芳綠門卷清風還尋故人書  
屋蒼華髮冷笑瘦影相看如竹幽谷煙樹曉鶯訴經年

愁獨 殘陽古木書畫歸船息息又南北  
蕢州鷗鷺素熟舊盟續甚日浩歌招隱聽  
雨弁陽同宿料重來時候香蕩幾灣紅玉

青玉案

草窗詞卷

吟情老盡江南句幾千萬垂絲縷花冷絮飛寒食路  
漁煙鷗雨燕昏鶯曉總入韶華譜紅衣妝靚涼生渚  
環碧斜陽舊時樹拈葉分題觴詠處荀香猶在庾愁何許  
雲冷西湖賦

揚州慢

瓊花  
次韻

玉倚風輕粉凝水薄上花祠冷無人聽吹簫月底傳暮  
草金城笑紅紫紛紛成雨遡空如蝶肯墮珠塵歎而今  
杜郎還見應賦悲春 佩環何許縱無情鶯燕猶驚悵  
朱檻香銷綠屏夢杳腸斷瑤瓊九曲迷樓依舊沉沉夜  
想覓行雲但荒煙幽翠東風吹作秋聲

山房隨筆云揚州瓊花天下稱一本士大夫愛重  
作亭花側榜曰無雙德祐乙亥北師至花遂不榮  
趙崇國突有絕句弔曰名擅無雙氣色雄忍將一  
死報東風他年我若修花史合傳瓊妃烈女中

謁金門

春意態閒却遠山橫黛香徑莓苔嗟粉壞鳳鞞雙鬪綵  
折得花枝懶戴猶戀鴛鴦飛蓋舊恨新愁都只在東  
風吹柳帶

浪淘沙

榆火換新煙翠柳朱簷東風吹得落花顛簾影翠梭懸  
繡帶人倚鞦韆猶憶十年前西子湖邊斜陽催入畫  
樓船歸醉夜堂歌舞月拚却春眠

生查子

妾情歌柳枝郎意憐桃葉羅帶結同心誰信愁千結  
樓上數殘更馬上看新月繡被怨春寒怕學鴛鴦疊

高陽臺

梅落

門掩香殘屏搖夢冷珠鈿糝綴芳塵臨水窣花流來疑  
是行雲蘇梢空掛淒涼月想鶴歸猶怨黃昏黯銷凝人  
老天涯鴈影沉沉斷腸不在聽橫笛在江皋解佩翳  
玉飛瓊煙濕荒村背春無限愁深迎風點點飄寒粉悵

秋娘滿袖啼痕更關情青子懸枝綠樹成陰

木蘭花慢

寄題蓀壁山房

向煙霞堆裏著吟屋最高層望海日翻紅林霏散白猿  
鳥幽深雙岑倚天翠溼看浮雲收盡雨還晴曉色千松  
逗冷照人眼底長青閒情玉塵風生暮繭字校鷺經  
愛靜繡細帙芸臺棊几荷製蘭纓分明晉人舊隱掩巖  
扉月午籟沉沉三十六梯樹杪遡空遙想登臨

清平樂

綠窗初曉枕上聞啼鳥不恨王孫歸不早只恨天涯芳草  
錦書紅淚千行一春無限思量折得垂楊寄與絲  
絲都是愁腸

臺城路

寄弁陽翁

半空河影流雲碎亭臯嫩涼收雨井葉還驚江蓮亂落  
弦月初生商素堂深幾許漸爽入雲幃翠綃千縷紈扇  
恩疎晚螢光冷照窗戶文園憔悴頰老又西風暗換  
絲鬢無數燈外殘碁琴邊瘦枕一一情傷遲暮故人勸

金詞四庫  
卷六  
旅料渭水長安感時吟苦政自多愁砌蛩終夜語

浪淘沙

寶押繡簾斜鶯燕誰家銀箏初試合琵琶柳色春羅裁  
袖小雙戴桃花芳草滿天涯流水韶華晚風揚柳綠  
交加閒倚欄杆無藉在數盡歸鴉

杏花天

年時中酒風流病正雨暗蘼蕪深徑人家寒食煙初禁  
狼藉梨花雪影西湖夢紅沉翠冷記舞板歌裙廝趁



斜陽苦與黃昏近生怕畫船歸盡

小重山

畫簷簷柳碧如城一簾風雨裏過清明吹簫門巷冷無  
聲梨花月今夜負中庭遠岫斂修頰春愁吟入譜付  
鶯鶯紅塵沒馬翠埋輪西泠曲歡夢絮飄零

詞旨警句歸醉夜堂歌舞月拚却春眠浪淘沙  
詞眼漁煙鷗雨燕昏鶯曉

應澧孫

澧孫字堯  
成號芝室

霓裳中序第一

愁雲翠萬疊露柳殘蟬空抱葉簾捲流蘇寶結乍庭戶  
嫩涼攔杆微月玉纖勝雪委素紈塵鎖香篋思前事鶯  
期燕約寂寞向誰說 悲切漏籤聲咽漸寒炆蘭缸未  
滅良宵長是閒別恨酒凝紅綃粉浣瑤玦鏡盟鸞影缺  
吹笛西風數闋無言久和衣成夢睡損縷金蝶

賀新郎

宿霧樓臺溼曉晴初花明柳潤燕飛鶯集舊約重來歌

舞地留得艷香嬌色又夢草東風吹碧午困騰騰春欲  
醉對文楸玉子無心拾看蝶舞傍花立酒痕未醒愁  
先入記年時翠樓寒淺寶笙慵吸想駐馬河橋分別恨  
輕竹風颿煙笠早塵暗華堂簾隙倚盡黃昏人獨自望  
江南回鴈歸雲急憑付與錦箋墨

王億之

億之字景  
陽號松間

高陽臺

雙槳敲冰低篷護冷扁舟曉渡西冷回首吳山微茫遙  
帶重城隄邊幾樹垂楊柳早嫩黃搖動春情問孤鴻何  
處飛來共喚飄零輕帆初落沙洲暝漸潮痕雨漬面  
色風皺旅思羈愁偏能老大行人姮娥不管征途苦甚  
夜深儘照孤衾想玉樓猶凭欄杆為我銷凝

余桂英

桂英字子

發號野雲

小桃紅

芳草連天暮斜日明汀渚懊恨東風恍如春夢悠悠又  
去早知人酒病更詩愁鎮輕隨飛絮寶鏡空留恨箏  
雁渾無據門外當時薄情流水如今何處正相思望斷  
碧山雲又鶯啼晚雨

### 胡仲弓

仲弓字希聖號葦航清源人其弟仲參希道有竹  
莊小集仇山村多與葦航湖山酬和之作蓋亦杭  
之流寓也

### 謁金門

蛾黛淺只為晚寒收  
懶潤逼鏡鸞紅霧滿額  
花留半面  
漸次梅花開遍  
花外行人已遠  
欲寄一枝嫌夢短  
濕雲和恨剪

尚希尹

希尹字莘

老號畏齋

浪淘沙

結客去登樓  
誰擊蘭舟半篙清漲  
雨初收  
把酒留春春  
不住柳暗江頭  
老去怕閒愁  
莫莫休休  
晚來風惡下

簾鈞試問落花隨水去還解西流

柴望

望字仲山號秋堂又號歸田衢之江山人嘉熙中為太學上舍陳中書省奏名淳祐丙午元旦日詔求直言乃撰丙丁龜鑑十一卷起周赧烈王五十年丙午止後漢高祖天福十二年丁未數其吉凶禍福於前指其治亂得失於後書成上之忤時相詔下府獄大尹趙節齋疏救放歸景炎二年以布衣時旨授迪功郎史館編校宋亡自號宋逋臣與其從弟通判隨亨制參元亨察推元彪稱柴氏四隱有道州台衣集一卷涼州鼓吹一卷

念奴嬌

春來多困正晷移簾影銀屏深閉喚夢禽禽煙柳外驚  
斷巫山十二宿酒初醒新愁半解惱得成顛賴鬢鬆雲  
鬢不忺鸞鏡梳洗門外滿地香風殘梅零落玉糝蒼  
苔碎乍暖乍寒渾莫擬欲試羅衣猶未闌草雕欄買花  
深院做踏青天氣晴鳩鳴處一池昨夜春水

朱藻

藻號  
野逸

採桑子



障泥油壁人歸後，滿院花陰樓影沉。沉中有傷春一片心，閒穿綠樹尋梅子，斜日籠明團扇風。輕一徑楊花不避人。

### 黃鑄

鑄字晞顏號乙山  
邵武人官柳州守

### 秋蕊香令

花外數聲風定，煙際一痕月淨。水晶屏小，歌翠枕院靜。鳴蛩相應。香銷斜掩青銅鏡。背燈影空砧夜半和鴈。

陣秋在劉郎綠鬢

王同祖

同祖字與之號花洲金華人景定建康志王同祖奉議郎淳祐中建康府通判次添差沿江制置司機宜文字有學詩初集一卷

阮郎歸

一簾疎雨細於塵春寒愁殺人桐花庭院近清明新煙  
浮舊城尋蝶夢怯鶯聲柳絲如妾情丙丁帖子畫教  
成妝臺求晚晴

王茂孫

茂孫字景  
周號梅山

高陽臺

春夢

遲日烘晴輕煙縷畫瑣窗雕戶慵開人獨春閒金猊煖  
透蘭煤山屏緩倚珊瑚畔任翠陰移過瑤階悄無聲綠  
翹翩翩何處飛來片時千里江南路被東風誤引還  
近陽臺膩雨嬌雲多情恰喜徘徊無端枝上啼鳩喚便  
等閒孤枕驚回惡情懷一院楊花一徑蒼苔

點絳脣

蓮房

折斷煙痕翠蓬初離鴛鴦浦玉纖相妬翻被專房誤  
乍脫青衣猶著輕羅護多情處芳心一縷都為相思苦

王易簡

易簡字理得號可竹山陰人登進士除瑞安簿不  
赴隱居城南有山中觀史吟

齊天樂

宮煙曉散春如霧參差護晴窗戶柳色初分飭香未冷  
正是清明百五臨流笑語映十二欄杆翠頰紅妬短帽

輕鞍倦遊曾遍斷橋路  
東風為誰媚嫵歲華頻感慨  
雙鬢何許前度劉郎三生杜牧贏得征衫塵土心期暗  
數總寂寞當年酒籌花譜付與春愁小樓今夜雨

醉江月

暗簾吹雨怪西風梧井淒涼何早一寸柔情千萬縷臨  
鏡霜痕驚老雁影關山蛩聲院宇做就新懷抱湘臯遺  
珮故人空寄瑤草 已是搖落堪悲飄零多感那更長  
安道衰草寒蕪吟未盡無那平煙殘照千古閒愁百年

往事不了黃花笑漁樵深處滿庭紅葉休掃

慶宮春

謝草窗  
惠詞卷

庭草春遲汀蘋香老數聲珮悄蒼玉年晚江空天寒日  
暮壯懷聊寄幽獨倦游多感更西北高樓送目佳人不  
見慷慨悲歌夕陽喬木紫霞洞窅雲深嫋嫋餘音鳳  
簫誰續桃花賦在竹枝詞遠此恨年年相觸翠楸芳字  
謾重省當時顧曲因君凝佇依約吳山半痕蛾綠

詞旨警句參差護晴窗戶齊天樂心期暗數總寂  
寞當年酒籌花譜付與春愁小樓今夜雨同上

詞眼翠頰紅妬

樂府補題王易簡摸魚兒賦萼云怪鮫宮水晶  
蘆捲冰痕初斷香縷澄波盪漿人初到三十六  
陂煙雨春又去伴點點荷錢隱約吳中路相思  
日暮恨洛浦娉婷芳鈿剪翠奩影照淒楚功名  
夢消得西風一度高人今在何許鱸香菰冷斜  
陽裏多少天涯意緒誰記取但枯豉紅鹽溜玉  
凝秋箸尊前起舞舞算惟有淵明黃花歲晚此興  
共千古齊天樂賦蟬云翠雲深鎖齊姬恨纖柯  
暗翻水羽錦瑟重調綃衣乍著聊飲人間風露  
相逢甚處記槐影初涼柳陰新雨聽盡殘聲為  
誰驚起又飛去商量秋信最早晚來吟未徹都  
是淒楚斷韻還連餘悲似咽欲和愁邊佳句幽  
期誰語恨寒葉凋零蛻痕塵土古木斜暉向人

懷抱  
若

張桂

桂字惟月號竹山循王從子恭簡公四世孫有文  
曰漸稿

菩薩蠻

東風忽驟無人見  
玉塘煙浪浮花片  
步濕下香階  
苔黏金鳳鞋  
翠鬟愁不整  
臨水閒窺影  
摘得野薔薇  
游蜂相趁歸

浣溪紗

雨壓楊花路半乾  
蜂遺花粉在欄杆  
牡丹開盡正春寒



閒  
懶品么絃金鴈並瘦驚雙釧玉魚寬新愁不放翠眉

閒

張  
磐

磐字叔安號梅崖宋末為咏令有梅崖集

綺羅香

漁浦有感

浦月窺檐松泉漱枕屏裏吳山何處暗粉疎紅依舊為  
誰勻注都負了燕約鶯期更閒却柳煙花雨縱十分春  
到郵亭賦懷應是斷腸句 青青原上薺麥還被東風

無賴翻成離緒望極天西惟有隴雲江樹斜照帶一縷  
新愁盡分付暮潮歸去步閒階待卜心期落花空細數

會稽志云漁浦在蕭山縣西三十里十道志云舜  
漁處也

### 浣溪紗

習習輕風破海棠鞦韆移影上迴廊畫長蝴蝶為誰忙  
度柳早鶯分暖綠過花小燕帶春香滿庭芳草又斜

陽

詞音警句暗粉疎紅依舊為誰勻注都負了燕約  
鶯期更闕却柳煙花雨詩雅音

張林

林字去非號樛巖至正金陵新志云張林池州守  
大軍至迎降

唐多令

金勒鞚花驄故山雲霧中翠蘋洲先有西風可惜嫩涼  
時枕簟都付與舊山翁雙翠合眉峯淚華分臉紅向  
樽前何太怱怱纔是別離情便苦都莫問淡和濃

柳梢青

燈花

白玉枝頭忽看蓓蕾金粟珠垂半顆安榴一枝濃杏五

色薔薇 何須羯鼓聲催銀缸裏春工四時却笑燈蛾  
學他蜂蝶照影頻飛

景定建康志擣巖張林柳梢青題金陵烏衣園  
云燕里花深鷺汀雲淡客夢江皋日日言歸淮  
山笑我塵鎖征袍幾回把酒憑高闌干外魂飛  
暮濤只有南園一畝風雨過了櫻桃

朱旴孫

旴孫字令  
則號萬山

真珠簾

春雲做冷春知未春愁在碎雨敲花聲裏海燕已尋蹤

到畫溪沙際院落鞦韆楊柳外待天氣十分晴霽春市  
又青帘巷陌紅芳歌吹須信處處東風又何妨對此  
籠香覓醉曲盡索餘情奈夜航催離夢滿冰衾身似寄  
算幾度吳鄉煙水無寐試明朝說與西園桃李

### 吳大有

大有字有大號松壑嵯人寶祐間遊太學率諸生  
上書言賈似道奸狀退處林泉與林昉仇遠白珽  
等七人以詩酒相娛元初辟為國子檢閱不赴有  
松下偶抄雪後清音歸來幽莊等集

### 點絳脣

送李  
琴泉

江上旗亭送君還是逢君處酒闌呼渡雲壓沙鷗暮

漠漠蕭蕭香凍梨花雨添愁緒斷腸柔櫓相逐寒潮去

張炎

炎字叔夏西秦人循王之後居杭號玉田又號樂笑翁有詞源二卷山中白雲八卷

鄭所南云識張玉田先輩喜其三十年汗漫南北數千里一片空狂懷抱日日化兩為醉自仰板姜堯章史邦卿盧蒲江吳夢窗諸名勝互相鼓吹春聲於繁華世界能令後三十年西湖錦繡山水猶生清響

仇山村云山中白雲詞意度超元律呂協洽當與

白石老仙相鼓吹

舒閬風云玉田詩有姜堯章深婉之風詞有周清

真雅麗之思畫有  
趙子固瀟灑之意

壺中天

養拙夜飲客有彈  
笙篴者即事以賦

瘦筇訪隱正繁陰  
閒鎖一壺幽綠  
喬木蒼寒  
圖畫古竊  
窈人行  
韋曲鶴響天  
高水流  
花淨笑語通華屋  
虛堂松  
外夜深涼氣吹燭  
樂事楊柳樓心  
瑤臺月下  
有生香  
堪掬誰理商聲  
簾戶悄  
蕭颯懸璫  
鳴玉一笑難逢  
四愁  
休賦任我雲邊宿  
倚闌歌罷露螢飛  
下秋竹

渡江雲

次趙元  
父韻

錦蕪繚繞地涼燈挂壁簾影浪花斜酒船歸去後轉首  
河橋那處認紋紗重盟鏡約還記得前度秦嘉惟只有  
葉題緘付流不到天涯 驚嗟十年心事幾曲攔杆想  
蕭郎聲價閒過了黃昏時候踈柳啼鴉浦潮夜涌平沙  
白遡斷鴻知落誰家書又遠空江片月蘆花

甘州

饑草窗  
西歸

記天風飛珮紫霞邊顧曲萬花深怪相如遊倦杜陵愁  
老還歎飄零短夢恍然今昔故國十年心回首三三徑



松竹成陰 不恨片帆南浦只恨剪燈聽雨誰伴孤吟  
料瘦筇歸後閒鎖北山雲是幾番柳邊行色是幾番同  
醉古園林煙波遠筆牀茶竈何處逢君

詞旨樂笑翁奇對隨花覓石就泉通沿斷碧分山  
空簾剝月沙淨草枯水平天遠接葉巢鶯平波捲  
絮晴光轉樹曉氣分嵐鶴響天高水流花淨料理  
琴書夷猶今古欵竹門深移花檻小埽花尋徑撥  
葉通池亂雨敲春深煙帶晚開簾過雨隔水呼燈  
浪捲天浮山邀雲去岸角衝波離根聚葉波蕩蘭  
觴鄰分杏酪雲映山輝柳分溪影荷衣銷翠蕙帶  
餘香香尋古字譜拍歌聲行歌趁月喚酒延秋穿  
花覓路傍柳尋隣門當竹逕路管臺城鬢綠溼霧  
病錦翻桃因花整帽借柳維船

警句和雲流出空山甚年年淨洗花香不了南浦  
春水寫不成書只記得相思一點解連環孤雁纔

放些晴意早瘦了梅花一半也知不作花看東風  
何事吹散探春慢雪霽見說新愁如今也到鷗邊

高陽臺西湖莫開簾怕見飛花怕聽啼鶯同上  
待月許多情都付與秋聲聲慢西湖幾日不來一

片蒼雲未掃掃花游疎寮東墅園春風不奈垂楊  
柳吹却絮雲多少春天樂鑑曲漁舍會飲帶天香

吹動一身秋八聲甘州贈桂州茂樹石牀因坐久  
又却被清風留住真珠簾迤雅軒即事忍不住低

低問春慶宮春却下寒食不知能聚愁多少霜葉  
蕊開老坡教

鄒牧伯牙琴云叔夏春水一詞絕唱今古人以  
張春水目之

至正直記錢唐張叔夏嘗賦孤雁詞有寫不成  
書只記得相思一點人皆稱之曰張孤雁

詞旨蘄王孫韓鑄字亦顏學詞於樂笑翁一旦  
與周公謹買舟西湖泊荷花而飲酒杯半公謹  
舉似亦顏學詞之意翁指花云蓮子結成花自  
落

珊瑚網元姑蘇汾湖居士陸行直輔之有家妓  
名卿卿以才色見稱友人張叔夏為作古清平  
樂贈之云候蟲悽斷人語西風岸月落沙平流  
水漫驚見蘆花來雁可憐瘦損蘭成多情應為  
卿卿只有一枝梧葉不知多少秋聲後二十一  
載行直以翰林典籍致政歸則叔夏卿卿皆下  
世矣行直作碧梧蒼石圖并書張詞於卷端且  
和之云楚天雲斷人隔瀟湘岸往事悠悠江水  
湧怕聽樓前新雁深閨舊夢還成夢中獨記憐  
卿依約相思碎語夜涼桐葉聲聲

## 趙崇宵

崇宵字有得號蓮舉宋史宗室世系表商王元份  
九世孫汝情子

東風第一枝

妬雪梅甦迷煙柳醒游絲輕颺新霽捲簾看燕初歸步  
屨為花早起春來猶淺便做出十分春意喜鳳釵纔卸  
珠幡早換巧梳描翠 著數點催花雨膩更一陣遞香  
風細小鶯收暖調聲嫩蝶試晴舞翅清歡易失怕輕負  
年芳流水好趁閒共整吟鞦日日訪桃尋李

范晞文

婦文字景文號葑莊錢唐人太學生理宗時與葉  
李上書詆賈似道竄瓊州入元以程鉅夫薦擢江  
浙儒學提舉轉長興丞有葑莊廢稿又對牀夜話  
五卷馮深居序

意難忘

清淚如鉛歎咸陽送遠露冷銅仙巖花紛墮雪津柳暗  
生煙寒食後暮江邊草色更芊芊四十年留春意緒不  
似今年 山陰欲棹歸船暫停杯雨外舞劍燈前重逢  
應未卜此別轉堪憐憑急管倩繫弦思苦調難傳望故  
鄉都將往事付與啼鵑

鄭斗煥

斗煥字丙

文號松窗

新荷葉

乳鴨池塘晴波漾綠鱗鱗宿藕根香夏來生意還新蚨  
錢小鈿花貼翠相間萍星一番雨過一番暗展圓青  
魚戲龜游看來猶未勝情因憶年時垂釣曾約輕盈玉  
人何處關情是半捲芳心簾風一棹鴛鴦催起歌聲

曹良史

良史字子才號梅南  
錢唐人有梅南摘稿

### 江城子

夜香燒了夜寒生掩銀屏理銀箏一曲春風都是斷腸  
聲杜宇欲啼楊柳外愁似海思如雲背燈暗卸乳鸞  
裊酒初醒夢初醒蘭炷香篝誰為暖羅衾二十四簾人  
悄悄花影碎月痕深

方回桐江集跋曹梅南詩詞三摘云曹君良史  
錢唐人衣冠佳盛湖傲山酣則有咸淳詩摘兵  
火變遷江淮奔走則有梅南詩摘句如雲生畫  
佛壁葉落病僧房開來閉門處認得讀書聲

金  
圍敗屋知無主  
風響荒林似有人  
深樹月昏神  
火出斷煙雪霽  
獵人回展轉  
征旗戰鼓十年間  
筆力益老矣  
至如鏤水詞  
摘則以詩之餘  
演為雕刻流麗  
之作以至寶丹  
之字料生薑白  
之文  
法寄於少游  
美成之聲調

### 董嗣杲

嗣杲字明德號靜庵杭人後入道改名思學字無  
益有百花詩集西湖百詠

### 湘月

蓮幽竹邃舊池亭  
幾處多愛君子醉  
玉吹香還認取  
忙裏得閒標致  
心逐雲帆情隨煙  
笛高會知誰繼  
宵筵會



啟驀然身外浮世 因見杜牧踈狂前綠夢裏謾感雙  
眉翠香滿屏山春滿几 爐擁麝焦禽睡月落梅空霜濃  
窗掩兩耳風聲起 艷歌終散輸他鶴帳清寐

絕妙好詞箋卷六

欽定四庫全書

絕妙好詞箋卷七

宋 周密 原輯

宛平查為仁

錢唐厲 鶚同箋

周 密

密字公謹濟南人寓居吳興復居錢唐寶祐間為  
義烏令自號草窗又號弁陽嘯翁又號蕭齋又號  
四水潛夫詩名蠟屐集詞名蘆洲漁笛譜雜著有  
癸辛雜識四卷齊東野語二十卷志雅堂雜抄一  
卷浩然齋視聽抄弁陽客談武林舊事十卷澄懷  
錄二卷雲煙過眼錄一卷

國香慢

賦子固凌波  
圖夷則商

玉潤金明記曲屏小几剪葉移根經年沁人重見瘦影  
娉婷雨帶風襟零落步雲冷鶯筦吹春相逢舊京洛素  
靨塵緇仙掌霜凝 國香流落恨正冰銷翠薄誰念遺  
簪水空天遠應念簪弟梅兄渺渺魚波望極五十絃愁  
滿相雲淒涼耿無語夢入東風雪盡江清

珊瑚網趙孟堅水墨雙鈎水仙卷自跋云余久不  
作此又方病目未愈子用微風語良亟急起描寫  
轉益拙俗觀者求於形似之外可爾矣齋弁陽老  
人周密題夷則國香慢云

樂郊私語云趙孟堅子固宋宗室也入本朝隱居  
嘉禾之廣陳鎮時載以一舟舟中琴書尊勺畢具  
往往泊蓼汀葦岸看夕陽賦曉月為事從弟子昂  
自苔中來訪公閉門不納夫人勸之始令從後門  
入坐定第問弁山笠澤佳否子昂云佳公曰第奈  
山澤佳何子昂慚退

畫鑑云趙子固墨蘭最妙葉如鐵花莖亦佳作石  
用筆如飛白書狀前人無此也畫梅竹水仙松枝  
皆入妙品水仙為尤高子昂專師其蘭石覽者當  
自知其高下

畫禪室隨筆云子固水仙欲與揚无咎梅花作敵  
周草窗極重其品曾判舟嚴陵灘下見新月出水  
大笑云此文公所謂綠淨不可唾乃我水仙出現  
也

一萼紅

登蓬萊閣有感

步深幽正雲黃天淡雪意未全休鑑曲寒沙茂林煙草  
俛仰今古悠悠歲華晚漂零漸遠誰念我同載五湖舟  
磴古松斜厓陰苔老一片清愁 回首天涯歸夢幾魂  
飛西浦淚灑東州故國山川故園心眼還似王粲登樓  
最負他秦鬟妝鏡好江山何事此時遊為喚狂吟老監

共賦銷憂

自注云閣在紹興  
西浦東州皆其地

王象之輿地紀勝云紹興郡治在卧龍山上蓬萊  
閣在郡設廳後取元微之我是玉皇香案吏謫居  
猶得近蓬萊句也名公多題咏沈紳詩云玉鉉相  
公頌瑞地金貂仙子挂冠鄉錢公輔云一級一級

煙雲生四面四面屏障迎秦觀詩云路隔西陵三  
兩水門臨南鎮一千峯

會稽志張伯玉州宅詩序云越守王工部至和中  
新葺蓬萊閣成畫圖來乞詩工部乃王遠也

### 掃花游

九日  
懷歸

江籬怨碧早過了霜花錦空洲渚孤蛩自語正長安亂  
葉萬家砧杵塵染秋衣誰念西風倦旅恨無據悵望極  
歸舟天際煙樹心事曾細數怕水葉沉紅夢雲離去  
情絲恨縷倩回紋為織那時愁句雁字無多寫得相思  
幾許暗凝竚近重陽滿城風雨

三姝媚

送聖與  
還越

淺寒梅未綻正潮過西陵短亭逢雁秉燭相看歎俊游  
零落滿襟依黯露草霜花愁正在廢宮蕪苑明月河橋  
笛外樽前舊情消減莫訴離觴深淺恨聚散怱怱夢  
隨飄遠玉鏡塵昏怕賦情人老後逢淒惋一樣歸心又  
喚起故園愁眼立盡斜陽無語空江歲晚

法曲獻仙音

弔雷香  
亭梅

松雪飄寒嶺雲吹凍紅破數枝春淺襯舞臺荒浣妝池



冷淒涼市朝輕換歎花與人凋謝依依歲華晚  
共淒黯問東風幾番吹夢應慣識當年翠屏金輦一片古今  
愁但廢綠平煙空遠無語銷魂對斜陽芳草淚滿又西  
冷殘笛低送數聲春怨

武林舊事云集芳園在葛嶺元係張婉儀園後歸太后殿內有古梅老松甚多理宗賜賈平章舊有清勝堂望江

亭雪香亭等

高陽臺

送陳君  
衡被召

照野旌旗朝天車馬平沙萬里天低寶帶金章樽前草

帽風歌秦闕汴水經行地想登臨都付新詩縱英游疊  
鼓清笳駿馬名姬酒酣應對燕山雪正冰河月凍曉  
隴雲飛投老殘年江南誰念方回東風漸綠西湖柳雁  
已還人未南歸最關情折盡梅花難寄相思

慶宮春

送趙元  
父過吳

重疊雲衣微茫鴻影短篷穩載吳雪霜葉敲寒風燈搖  
暈棹歌人語嗚咽擁衾呼酒正百里冰河乍合千山換  
色一鏡無塵玉龍吹裂夜深醉踏長虹表裏空明古

今清絕高堂在否登臨休賦忍見舊時明月翠銷香冷  
怕空負年芳輕別孤山春早一樹梅花待君同折

高陽臺

寄越中  
諸友

小雨分江殘寒迷浦春容淺入蒹葭雪霽空城燕歸何  
處人家夢魂欲渡蒼茫去怕夢輕還被愁遮感流年夜  
汐東還冷照西斜 淒淒望極王孫草認雲中煙樹鷗  
外春沙白髮青山可憐相對蒼華歸鴻自起潮回去笑  
倦遊猶是天涯問東風先到垂楊後到梅花

探芳信

西冷  
春感

步晴晝向水院維舟津亭喚酒歎劉郎重到依依漫懷  
舊東風空結丁香怨花與人俱瘦甚淒涼暗草沿池濕  
苔侵甃橋外晚風驟正香雪隨波淺煙迷岫廢苑塵  
梁如今燕來否翠雲零落空隄冷往事休回首最銷魂  
一片斜陽戀柳

水龍吟

白荷

素鸞飛下青冥舞衣半惹涼雲碎藍田種玉綠房迎曉

一奩秋意擎露盤深憶君清夜暗傾鉛水想鴛鴦正結  
梨雲好夢西風冷還驚起應是飛瓊仙會倚涼颺碧  
簪斜墜輕妝鬪白明璫照影紅衣羞避霽月三更粉雲  
千點靜香十里聽湘絃奏徹冰綃偷剪聚相思淚

樂府補題宛委山房賦龍涎香調天香浮翠山房  
賦白蓮調水龍吟紫雲山房賦尊調摸魚兒餘閑  
書院賦蟬調齊天樂天柱山房賦蠅調桂枝香倡  
和者為玉筍王沂孫聖與蘋洲周密公謹天柱王  
易簡理得友竹馮應瑞祥父瑤翠唐藝孫英發紫  
雲呂同老和父篋房李彭老商隱宛委陳恕可行  
之菊山唐珏玉潛月洲趙汝鈞真卿五松李居仁  
師呂玉田張炎叔夏山村仇遠仁近皆宋遺民也

按陳恕可別本作練非陳旅安雅堂集有陳行之墓志云會稽陳恕可古靈先生述古之後有樂府補題一卷其為姓陳無疑

微顰十解

四字令

擬花間

眉消睡黃春凝淚妝玉屏水暖微香聽蜂兒打窗  
簞  
塵半牀綃痕半方愁心欲訴垂楊奈飛紅正忙

西江月

廷祥觀拒霜擬稼軒

綠綺紫絲步障紅鸞綠鳳仙城誰將三十六陂春換得

兩隄秋錦 眼纈醉迷朱碧筆花俊賞丹青斜陽展畫  
趙昌屏羞死舞鸞妝鏡

武林舊事云孤山路四聖延祥觀有韋太后沉香  
四聖小小蓮菜閣瀛嶼堂金沙井六一衆花寒水  
潔氣象幽古  
三朝臨幸

江城子

江 概蒲

羅牕曉色透花明艷瑤笙按瑤箏試訊東風能有幾分  
春二十四闌憑玉暖揚柳月海棠陰 依依愁翠沁雙  
顰愛鶯聲怕鵲聲人自多情春去自無情把酒問花花

不語花外夢夢中雲

少年游

宮詞擬  
梅溪

簾銷寶篆捲宮羅蜂蝶撲飛梭一樣東風燕梁鶯院那  
處春多 曉妝日日隨香輦多在牡丹坡花深深處柳  
陰陰處一片笙歌

好事近

擬東  
澤

新雨洗花塵撲撲小庭香溼早是垂楊煙老漸嫩黃成  
碧 晚簾都捲看青山山外更山色一色梨花新月伴



夜窗吹笛

西江月

擬花翁

情縷紅絲冉冉啼花碧袖熒熒迷香雙蝶下庭心一行  
惓惓簾影北里紅紅短夢東風雁雁前塵稱銷不過  
牡丹情中半傷春酒病

醉落魄

擬參晦

憶憶憶宮羅褶褶銷玉色吹花有盡情無極淚滴空  
簾香潤柳枝溼春愁浩蕩湘波窄紅蘭夢繞江南北

燕鶯都是東風客  
移盡庭陰風老杏花白

朝中措

茉莉擬  
夢窗

綵繩朱乘駕  
濤雲親見許飛瓊  
多定梅魂纔返香癡半  
掐秋痕  
枕函釵縷熏篝芳  
焙兒女心情尚有第三花  
在不妨留待涼生

醉落魄

擬二  
隱

餘寒正怯金釵影  
卸東風揭舞衣  
絲損愁千褶  
一縷楊絲猶是去年折  
臨窗擁髻愁難說  
花庭一寸燕支雪

春花似舊心情別待摘玫瑰飛下粉黃蝶

浣溪沙

擬梅川

蠶已三眠柳二眠雙竿初起畫鞦韆鶯攏風響十三絃  
魚素不傳新信息鸞膠難續舊姻緣薄情明月幾番

圓

甘州

燈夕書  
寄二隱

漸萋萋芳草綠江南輕暉弄春容記少年遊處簫聲巷  
陌燈影簾攏月暖烘爐戲鼓十里步香紅欹枕聽新雨

往事朦朧 還是江南春夢曉怕等閒愁見雁影西東  
喜故人好在水驛寄詩筒數芳程漸催花信送歸帆知  
第幾番風空吟想梅花千樹人在山中

踏莎行

與莫兩山談  
邗城舊事

遠草情鍾孤花韻勝一樓聳翠生秋暝十年二十四橋  
春轉頭明月簫聲冷 賦藥才高題瓊語俊蒸香壓酒  
芙蓉頂景留人去怕思量挂窗風露秋眠醒

詞旨警句夢魂欲度蒼茫去怕夢輕還被愁遮高  
陽去休綴潘郎鬢影怕綠窗年少人驚聲聲慢柳

花

花深深處柳陰陰處一片笙歌少年游

鶯洲漁笛譜曲游春游西湖云禁苑東風外聽  
暖絲晴絮春思如織燕約鶯期芳情偏在翠深  
紅陳漢漢香塵隔沸十里亂絲叢笛看畫船盡  
入西泠閒却半湖春色柳陌新煙凝碧映簾底  
宮眉堤上游勒輕暝籠煙怕梨雲夢冷杏香愁  
暮歌管酬寒食奈蝶怨良宵岑寂正恁醉月搖  
花怎生去得

武林舊事云都城自過收燈貴游巨室爭先出  
郊謂之探春水面畫楫櫂比如鱗無行舟之路  
遊之次第先南而後北至午則盡入西泠橋裏  
湖其外幾無一舸矣弁陽老人有詞云看畫船  
盡入西泠閒却半湖春色蓋紀實也

馬臻霞外集西湖春日壯游詩云畫船過午入  
西泠人擁孤山陌上塵應被弁陽摸寫畫晚來  
閒却半湖春

蓉塘詩話周草窗西湖十景詞調寄木蘭花慢  
蘇堤春曉云恰芳菲夢醒涼殘月轉相簾正翠  
掩收鐘形埤故仗臺榭輕煙東園夜游乍散聽  
金壺逗曉歌花籤官柳微開露眼小鶯最泥春  
眠冰奩黛淺紅鮮臨曉鏡競晨妍怕誤却佳期  
宿粧旋整忙上雕鞍都綠探芳起早看堤邊早  
有已開船薇帳殘香淚蠟有人病酒厭厭平湖  
秋月云碧霄澄暮靄引瓊駕碾秋光看翠闕風  
高珠樓夜午誰搖元霜蒼茫玉田萬頃趁仙槎  
咫尺接天潢彷彿凌波步影露濃環佩衣涼鳴  
璫淨洗新妝隨皓影過西廂正露衣香潤雲鬢  
紺濕私語相將鴛鴦誤曉夢掠芙蓉度影入  
銀塘十二闌干佇立鳳簫怨徹清商斷橋殘雪  
云見梅花信息擁吟袖暮鞭寒自放鶴人歸月  
香水影詩冷孤山等閒泮寒晚暖看融成御水  
到人間瓦隴竹根更好柳邊小駐游鞍琅玕半

倚雲灣孤棹晚戴詩還是醉覓醒處畫橋第二  
奩月初三東閣有人步玉恠水泥沁溼錦鸞班  
還見暗波漲綠耐迤夢草相闕雷峯夕照云塔  
輪分斷雨倒霞影漾新晴看滿鑑春紅輕繞占  
岸疊鼓收聲簾旌半鈞待燕料香濃徑遠趨蜂  
程芳陌人扶醉玉路傍嬾拾遺簪郊垆未厭遊  
情雲暮合謾銷凝想罷歌停舞煙花露柳都付  
樓鶯重闌已催鳳鑰正鈿車繡勒入爭門銀燭  
擎花夜埃禁街淡月黃昏麴院風荷云軟塵飛  
不到過微雨錦機張正綠蔭池幽交枝徑窄臨  
水追涼官艇蓋羅障暑泛青蘋亂舞五雲裳迷  
眼紅綃絳絲翠深偷見鴛鴦湖光兩岸瀟湘風  
存夾扇搖香算惱人偏是縈絲露蕩連理秋房  
涉江采芳舊恨怕紅衣夜冷落橫塘折得荷花  
忘却棹歌唱入斜陽花港觀魚云六橋春浪煖  
漲挑雨鱖初肥正短棹輕蓑牽箔苻帶縈網蕩

綠依稀岸紅遡遠泛仙舟誤入武陵溪何處金  
刀贈玉畫舫傍柳頻催芳隄漸滿斜暉每葉亂  
浪花飛聽暮柳聲合鷗沉暗渚鷺起煙磯漣漪  
夜深浪靜任煙寒白戴月明歸三十六鱗過却  
素牋不寄相思南屏晚鐘云疎鐘敲暝色正遠  
樹綠恹恹看渡水僧歸投林鳥聚煙冷秋屏孤  
雲漸沉雁影尚殘蕭倦鼓別游人宮柳棲鴉未  
穩露梢已挂疎星重城禁鼓催更羅袖怯暮寒  
輕想綺甃空掩鸞綃弱錦魚鑰收銀蘭燈伴人  
夜語怕香消漏永著溫存猶憶迴廊待月畫欄  
倚徧桐陰柳浪聞鶯云晴空搖翠浪畫禽靜霽  
煙收聽暗柳啼鶯新簧弄巧如度秦謳誰抽翠  
絲萬縷颺金梭宛轉纖芳愁風裊餘音甚處絮  
花三月宮溝扁舟纜繫輕柔沙路遠倦追遊望  
斷橋殘日蠻腰競舞蘇小墻頭偏憂杜鵑喚去  
愛錦蠻竟日挽春留啼覺瓊躡午夢翠丸驚度



西樓三潭印月云遊船人散後正蟾影瀉寒湫  
看冷沁蛟眠清宜兔浴皓彩輕浮扁舟泛天鏡  
裏迥流光澄碧浸明昨柳鷺空驚碧草素鱗遠  
避金鈎臨流萬象涵秋槩渺渺水悠悠念漢皋  
遺佩湘波步襪空想仙遊風收翠奩乍啟度飛  
星倒影入芳洲瑤瑟誰彈古怨渚宮夜舞潛虬  
兩峯挿雲云碧尖相對處向煙外挹遙岑記舞  
鷺啼猿天香桂子曾去幽尋輕陰易晴易雨看  
南峯淡日北峯雲雙塔擎秋露冷亂鐘曉送霜  
清登臨望眼增明沙路白海門青正地幽天迥  
水鳴山籟風奏松琴虛檻半空聚遠倚闌干暮  
色與雲平明月千巖夜半遡風跨鶴吹笙  
張炎山中白雲一萼紅弁陽翁新居堂名志雅  
詞名黃洲漁笛譜製荷衣傍山窗卜隱雅志可  
閒時款竹門深移花檻小動人芳意菲菲怕冷  
落蘆洲夜月想時將漁簖靜中吹塵外紫桑燈

前兒女笑語忘歸分得煙霞數畝乍掃苔尋徑  
撥葉通池放鶴幽情吟鶯懽事老去却願春遲  
愛吾廬琴書自樂好襟懷初不要人知長日一  
簾芳草一卷新詩

王沂孫

沂孫字聖與號碧山又號中仙會稽人有碧山樂  
府二卷又名花外集近祐四明志至和中王沂孫

慶元路

學正

醉蓬萊

歸故  
山

掃西風門徑黃葉凋零白雲蕭散柳換枯陰賦歸來何  
晚爽氣霏霏翠蛾眉嫵聊慰蒼臨眼故國如塵故人如

夢登高還嬾 數點寒英為誰零落楚魄難招暮寒堪  
攬步履荒籬誰念幽芳遠一室秋燈一庭秋雨更一聲  
秋雁試引芳樽不知消得幾多依黯

法曲獻仙音

聚景亭梅  
次草窗韻

層綠叢叢纖瓊皎皎倒壓波痕清淺過眼年華動人幽  
意相逢幾番春換記喚酒尋芳處盈盈褪妝晚 已銷  
黯况淒涼近來離思應忘却明月夜深歸輦荏苒一枝  
春恨東風人似天遠縱有殘花洒征衣鉛淚都滿但殷

勤折取自遣一襟幽怨

董嗣杲西湖百咏注云聚景園在清波門外阜陵致養北宮拓圃西湖之東斥浮屠之廬九曾經四朝臨幸繼以諫官陳言出郊之令遂絕園今蕪圯惟柳浪橋花光亭存

夢梁錄高似孫過聚景園詩云翠華不向苑中來可是年年惜露臺水際春風寒漫漫官梅却作野開梅

淡黃柳

甲戌冬別周公謹丈於孤山中次冬公謹游會稽相會一月又次冬公謹自剡還執手聚語且復別去悵然於懷敬賦此解

花邊短笛初結孤山約雨悄風輕寒漠漠翠鏡秦鬟釵

別同折幽芳怨搖落  
素裳薄重拈舊紅  
萼歎攜手轉  
離索料青禽一夢春無幾  
後夜相思素蟾低照誰掃花  
陰共酌

一萼紅

石屋探  
梅作

思飄飄擁仙姝獨步  
明月照蒼翹花候猶遲  
庭陰不掃  
門掩山意蕭條  
抱芳恨佳人分薄似未許  
芳魄化春嬌  
雨溼風慳霧輕波細  
湘夢迢迢  
誰伴碧尊  
雕俎喚瓊  
飢皎皎綠髮蕭蕭  
青鳳啼空玉龍舞  
夜遙睇河漢光搖

未須賦踈香淡影且同倚枯蘚聽吹簫聽久餘音欲絕  
寒透鮫綃

董嗣杲西湖百詠注云石屋在大仁院內錢氏建  
出石虛廣若屋下有洞路石上鐫五百羅漢屋上

建閣

三層

長亭怨

重過中  
菴故園

泛孤艇東皋過遍尚記當日綠陰門掩屐齒莓階酒痕  
羅袖事何限欲尋前迹空惆悵成秋苑自約賞花人別  
後總風流雲散 水遠怎知流水外却是亂山尤遠天

涯夢短想忘了綺疏雕檻望不盡萋萋斜陽撫喬木年  
華將晚但數點紅英猶識西園淒婉

慶宮春

水  
仙

明玉擎金纖羅飄帶為君起舞迴雪柔影參差幽香零  
亂翠圍腰瘦一捻歲華相誤記前度湘皋怨別哀絃重  
聽都是淒涼未須彈徹國香到此誰憐煙冷沙昏頓  
成愁絕花惱難禁酒銷欲盡門外水漸初結試招仙魄  
怕今夜瑤簪凍折携盤獨出空想咸陽故宮落月

高陽臺

殘萼梅酸新溝水綠東風節序暄妍獨立雕欄誰憐枉  
度華年朝朝準擬清明近料燕翎須寄銀箋又爭知一  
字相思不到吟邊雙蛾不拂青鸞冷任花陰寂寂掩  
戶閒眠屢卜佳期無憑却怨金錢何人寄與天涯信趁  
東風急整歸船縱飄零滿院揚花猶是春前

西江月

為趙元父  
賦雪梅圖

褪粉輕盈瓊靨護香重疊冰綃數枝誰帶玉痕描夜夜



東風不掃 溪上橫斜影淡 夢中落寞 魂銷峭寒未肯  
放春嬌 素被獨眠清曉

踏莎行

題草窗  
詞卷

白石飛仙紫霞悽調斷 歌人聽知音少 幾番幽夢欲回  
時 舊家池館生青草 風月交游山川懷抱 憑誰說與  
春知道 空留離恨滿江南 相思一夜蘋花老

醉落魄

小窗銀燭輕鬟半擁 釵橫玉數聲 春調清真曲拂拂 朱

簾殘影亂紅撲 垂陽學畫蛾眉綠 年年芳草迷金谷  
如今休把佳期卜 一掬春情斜月杏花屋

詞旨警句 一掬春情斜月杏花屋 醉落魂一室秋  
燈一庭秋雨更一聲秋雁 醉蓬萊採碎花心吟碎

淡黃雪 醉落魂 翠簾一池秋水半牀露 半牀月  
天晚角 恰似斷魂江上柳 越春深越瘦 謁金門

詞眼挑雲研雪

花外集八六子云 掃芳林幾番風雨 自自老盡  
春禽漸薄 潤侵衣不斷 嫩涼隨扇 初生晚窗 自  
吟沉沉 幽徑芳尋 掩靄苔香 簾淨蕭疎 竹影庭  
深 謾淡却蛾眉 晨妝慵掃 寶釵蟲折 繡衾鴛破  
當時暗水和雲 泛酒空山 留月聽琴 料如今門  
前數重翠陰 一萼紅 赤城山中 題梅花卷 云玉  
嬋娟甚 春餘雪在 猶未跨青鸞 踈萼無香 柔條

獨秀應恨流落入間記曾照黃昏淡月漸瘦影  
移上小闌干一點清魂半枝寒色芳意斑斑重  
省嫩寒清曉過斷橋流水問訊孤山冰骨微銷  
塵衣不浣相見還誤輕攀未須訝東南倦客掩  
鉛淚看了又重看故國吳天樹老雨過風殘前  
詞初春懷舊云小庭陰有蒼苔老樹風物似山  
林侵戶清寒捎池急雨時聽飛過鳴禽掃花運  
殘梅似雪甚過了人日更多陰壓酒人家試燈  
天氣相次登臨猶記舊遊亭館正垂楊引縷嫩  
草描簪羅帶同心泥金半臂花氣低唱輕斟又  
爭信風流一別念前事空惹恨沉沉野服山笻  
醉賞不似如今踈影詠梅云瓊妃卧月任素裳  
瘦損羅帶重結石逕春寒碧蘚參差相思曾步  
芳屨籬根分破東風恨又夢入水孤雲澗算如  
今也厭娉娉帶了一痕殘雪猶記冰奩半掩冷  
枝盡未就歸棹輕折幾度黃昏忽到窗前重想

故人初別蒼蚪欲提漣漪去護玩却連環香骨  
早又是翠蔭蒙茸不似一枝清絕聲聲慢云迎  
門高髻倚扇清吭娉婷未數西洲淺拂朱鉛春  
風二月梢頭相逢靚妝俊語有舊家京洛風流  
斷腸句試重拈筆與賦閒愁記凌波去後問  
明璫羅襪却為誰留枉夢相思幾回南浦行舟  
莫辭玉尊起舞怕重來燕子空樓漫惆悵抱琵琶  
琶間過此秋

樂府補題王沂孫天香賦龍涎香云孤嶠蟠煙  
層濤蛻月驪宮夜採鉛水汎逝槎風夢深蘂露  
化作斷魂心字紅瓷候火還乍識冰環玉指一  
縷紫簾翠影依稀秣海山雲氣幾回殢嬌半醉剪  
春燈夜寒花碎更好故溪飛雪小窗深閉荀令  
如今頓老總忘却尊前舊風味慢惜餘薰空篝  
素被摸魚兒賦萼云玉簾寒翠絲微斷浮空清  
影零碎碧芽也抱春洲怨雙卷小絨芳字還又

似繫羅帶相思幾點青田綴吳中舊事悵酪乳  
爭奇鱸魚謾好誰與共秋醉江湖興昨夜西風  
又起年年輕誤歸計如今不怕歸無準却怕故  
人千里何況是正落日垂虹怎賦登臨意滄浪  
夢裡縱一舸重遊孤懷暗老餘恨渺煙水齊天  
樂賦蟬云綠陰千樹西窗曉厭厭晝眠驚起嫩  
翼風微流聲露悄半剪水殘誰寄淒涼倦耳謾  
重拂琴絲怕尋冠珥夢短宮深向人猶與訴  
憔悴殘虹收盡過雨晚來頻斷續都是秋意病葉  
難留纖柯易老空憶斜陽身世山明月碎甚已  
絕餘音尚餘枯蛻鬢影參差斷魂青鏡裏  
周密蘋洲漁笛譜題中山詞卷云結客千金醉  
春雙玉舊遊宮柳歲仙屋白頭吟老茂陵西清  
平夢遠沉香北玉笛天津錦囊昌谷春紅轉眼  
成秋綠重翻花外侍兒歌休聽酒邊供奉曲  
張炎山中白雲瑣窗寒玉碧山又號中仙越人

也能文工詞琢句峭拔有白石意度今絕響矣  
余悼之玉筍山所謂長歌之哀過於痛哭斷碧  
分山空簾剩月故人天外香留酒殢蝴蝶一生  
花裏想如今醉魂未醒夜臺夢語秋聲碎自中  
仙去後詞牋賦筆便無清致都是淒涼意恨玉  
筍埋雲錦袍歸水形容憔悴料應也孤吟山鬼  
那知人彈折素絃黃金鑄出相思淚但柳枝門  
掩枯陰候蟲愁暗葦

### 趙與仁

與仁字元父號學舟宋史宗室世系表燕王德昭  
十世孫希挺長子入元為辰州教授

### 柳梢青

落桂

露冷仙梯霓裳散舞記曲人歸月度層霄雨連深夜誰

管花飛 金鋪滿地苔衣似一片斜陽未移生怕清香  
又隨涼信吹過東籬

琴調相思引

水箔紗簾小院清  
晴塵不動地花平  
昨宵風雨涼到木  
樨屏 香月照妝秋粉薄  
水雲飛珮藕絲輕  
好天良夜閒理玉鞞笙

西江月

夜半河痕依約  
雨餘天氣溟濛  
起行微月遍池  
東水影

浮花花影動簾櫳 量減難追醉白恨長莫盡題紅鴈  
聲能到畫樓中也要玉人知道有秋風

清平樂

柳絲搖露不縮蘭舟住人宿溪橋知那處一夜風聲千  
樹曉樓望斷天涯過鴻影落寒沙可惜些兒秋意等  
閒過了黃花

好事近

春色醉茶蘼晝永篆煙初絕臨水揚花千樹盡一時飛



雪穿簾度竹弄輕盈東風老猶劣睡起凭闌無緒聽  
幾聲啼鳩

詞旨警句昨宵風雨涼  
到木樨屏琴調相思引

仇遠

遠字仁近號山村錢唐人居白龜池上入元仕為  
溧陽州學正張翥張雨莫維賢皆出其門有名當  
世有興觀  
集一卷

生查子

釵頭綴玉蠶耿耿東窗曉京洛少年遊猶恨歸來早

寒食正梨花古道多芳草今夜試青燈依舊雙花小

八犯玉交枝

招寶山  
觀月上

滄島雲連綠瀛秋入暮景却沉洲嶼無浪無風天地白  
聽得潮生人語擎空孤柱翠倚高閣憑虛中流蒼碧迷  
煙霧惟見廣寒門外青無重數不知是水不知是山  
是樹漫漫知是何處倩誰問凌波輕步謾凝佇乘鸞秦  
女想庭曲霓裳正舞莫須長笛吹愁去怕喚起魚龍三  
更噴作前山雨

延祐四明志云招寶山在定海縣東北八里一名  
候瀆山為海控扼吳萊甬東山水古蹟記云慶元  
東偏海有招寶山或云他處見山有異氣疑下有  
寶或云東夷以海貨來互市必泊此山前至峽口  
怪石嵌險離立南曰金鷄北曰虎蹲又前為蛟門  
峽東浪激或大如五石斗甕躍入空中却墮下碎  
為零兩或遠如雷山水岸聲勢崩擁秋風一作海  
水又壯排空觸岸杳不知舟揖所在

樂府補題仇遠齊天樂賦蟬云夕陽門巷荒城  
曲清音早鳴秋樹薄剪綃衣涼生鬢影獨飲天  
邊風露朝朝暮暮奈一度淒吟一番淒楚尚有  
殘聲暮然飛過別枝去齊宮往事謾省行人猶  
與說當時齊女雨歇空山月籠古柳彷彿舊曾  
聽處離情正苦甚懶拂冰箋倦拈琴譜滿地霜  
紅淺莎尋蛻羽  
花草粹編仇山村瑤華謾詠雪云踈踈密密紛

紛漢漢乍舞風無力殘軛斷礎轉眼化作方珪  
圓璧非花非絮似逞巧先投窗隙立小樓不見  
青山萬里鳥飛無迹休憐凍梗水苔但飛入平  
林都是春色年華婉婉誰信道老却梁園詞客  
踏青近也且一白何須三白把一白分與梅花

要點壽陽妝額

張蕭垞卷詞最高樓為山村仇先生壽云方寸  
地七十四年春世事幾浮雲躬行齋內蒲團穩  
者英會裏酒杯頻日追遊時嘯咏任天真喜女  
嫁男婚今已畢便束帛安車那肯出無一事挂  
閒身西湖鷗鷺長為侶北山猿鶴莫移文願年  
年湯餅會樂情親

絕妙好詞箋卷七